



Broj: 02-05-1-2639 /19
Datum, 19.12.2019.godine

Z A P I S N I K

sa 34. sjednice Općinskog vijeća Maglaj
održane dana 19.12.2019.godine u 09:30 sati u sali
JU Dom kulture «Edhem Mulabdić» Maglaj

Predsjedavajuća, na osnovu člana 59. Poslovnika o radu Općinskog vijeća, zaključaka Kolegija od 12.12.2019.godine, te Programa rada Općinskog vijeća za 2019. godinu, otvaram 34. redovnu sjednicu Općinskog vijeća.

Na današnju sjednicu pozvani su vijećnici iz parlamentarnih političkih partija SDA-a, SDP-a, SBB, DF, HDZ BiH, samostalni vijećnici Mustafa Buljubašić, Mustafa Bešić, Fikret Delić, Kanita Bašić i Elvir Vehabović.

Poziv na sjednicu i materijal dostavljeni su OSCE-u Terenski ured Travnik i sredstvima informisanja koji prate rad današnje sjednice Općinskog vijeća.

Pozvan je Načelnik općine, rukovodioci općinskih Službi, Općinska pravobraniteljica, predstavnici Javnih ustanova i Javnih preduzeća, kao i predstavnici čiji materijali će biti razmatrani na današnjoj sjednici Općinskog vijeća.

Na sjednicu su pozvani i materijali dostavljeni zastupniku Doma naroda Jasminko Kapić i zastupnica u Skupštini ZDK Emira Drnda-Čičeklić.

Sve vas pozdravljam i pozivam da svako na sebi svojstven način odamo dužnu počast onima koji su svoje živote ugradili u zemlju domovinu nam Bosnu i Hercegovinu i svim žrtvama rata.

Molim predstavnika Službe Općinskog načelnika i Općinskog vijeća da prozivkom vijećnika utvrdimo broj vijećnika na 34. redovnoj sjednici Općinskog vijeća.

Današnjoj sjednici Općinskog vijeća prisustvuje 24 vijećnika.

Nije prisutan vijećnik Josip Jurišić.

Konstatujem da Općinsko vijeće može punovažno raditi i odlučivati i donositi odluke, zaključke i rješenja. Ovim je ispoštovan član 88. Poslovnika o radu Općinskog vijeća Maglaj.

Na današnjoj sjednici izvršit ćemo i verifikaciju Zapisnika sa 33. redovne sjednice OV.

Ima li primjedbi?

Nije bilo primjedbi na Zapisnik sa 33. redovne sjednice OV..

Dajem na verifikaciju Zapisnik sa 33. redovne sjednice OV.

Verifikuje se Zapisnik sa 33. redovne sjednice OV.

Glasalo za 24. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Predsjedavajuća, otvaram raspravu po pitanju dnevnog reda za 34. redovnu sjednicu, da li ima prijedloga za proširenje ili nekih drugih prijedloga. Po zaključku Kolegija dostavljen je ovaj materijal, koji obrazlaže ove prijedloge na Budžet, to se našlo na mailu jučer, a printani materijal dobili ste danas.

Ukoliko nema sugestija, zaključujem raspravu i pročitat ću dnevni red za današnju sjednicu.

D N E V N I R E D

1. Prijedlog Budžeta/Proračuna Općine Maglaj za 2020. godinu;
2. Prijedlog Odluke o izvršavanju Budžeta/Proračuna Općine Maglaj za 2020. godinu;
3. a) Prijedlog Odluke o dopuni Odluke o zadržavanju prava osnivača JU Dom kulture „Edhem Mulabdić“ Maglaj;
b) Prijedlog Odluke o davanju saglasnosti Upravnom odboru JU Dom kulture „Edhem Mulabdić“
Maglaj na dopune Pravila Doma kulture;
- c) Prijedlog Odluke o davanju saglasnosti Upravnom odboru JU Dom kulture „Edhem Mulabdić“
Maglaj za osnivanje Podružnice;

- d) Prijedlog Odluke o ovlaštenju direktorici JU Dom kulture „Edhem Mulabdić“ Maglaj;
- 4.Odluka o usvajanju djelimične izmjene Regulacionog plana „Centar Maglaj-sjeverni dio“ ;
- 5.Prijedlog Odluke o načinu i uslovima javne prodaje nekretnina u vlasništvu Općine Maglaj - neizgrađenog gradskog građevinskog zemljišta;
- 6.Rješenje o imenovanju Komisije za sprovođenje javnog nadmetanja - licitacije za prodaju nekretnina u vlasništvu Općine Maglaj;
- 7.Prijedlog Odluke o davanju saglasnosti „Elektroprivredi“ HZHB d.o.o. Mostar - Poslovnica Novi Šeher za postavljenje jednog nosnog betonskog stupa 12/315 na dijelu putnog zemljišta označenog sa k.č.br. broj: 1581/5 k.o. Liješnica;
- 8.Odluka o utvrđivanju vrijednosti boda komunalne naknade za 2020. godinu;
- 9.Program o redovnom održavanju javne higijene sa finansijskim pokazateljima;
- 10.Program održavanja gradskog zelenila sa finansijskim pokazateljima;
- 11.Plan upravljanja i Program održavanja sistema javne rasvjete na području općine Maglaj za 2020. godinu;
- 12.Prijedlog srednjoročnog - Trogodišnjeg plana potencijalnih projekata JPP-a 2020-2022. godina i Godišnjeg plana potencijalnih projekata javnog-privatnog partnerstva za 2020. godinu;

Glazalo za 24. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD – 1 1.Prijedlog Budžeta/Proračuna Općine Maglaj za 2020.godinu;

Senada Alibajraktarević, pred nama je konačni prijedlog Budžeta/Proračuna Općine Maglaj za 2020.godinu. Pravni osnov za donošenje Budžeta/Proračuna Općine Maglaj za 2020.godinu sadržan je u članu 7. Zakona o budžetima FBiH, članu 13. Zakona o principima lokalne samouprave u FBiH i članu 42. Statuta Općine Maglaj. Kao što nam je poznato Nacrt Budžeta/Proračuna Općine Maglaj za 2020.godinu usvojen je na prošloj sjednici Općinskog vijeća uz zaključak da Služba za privredu, finansije i razvoj poduzetništva zajedno sa Načelnikom općine organizuje i sprovede javnu raspravu na ponuđeni Nacrt u roku od 21 dana i da se javna rasprava provede u svim većim mjesnim zajednicama i naravno centralna javna rasprava na ponuđeni Nacrt. Služba je zajedno sa Načelnikom općine pokrila sve mjesne zajednice na području općine Maglaj i organizovala javnu raspravu, a centralna javna rasprava je održana u JU Dom kulture 20.11.2019.godine u 16,00 sati. Na javnoj raspravi mogli smo čuti uglavnom primjedbe, prijedloge, sugestije koje su se odnosile na povećanje već postojećih ili uvođenje nekih novih pozicija u Budžetu i uglavnom se odnosile na kapitalna ulaganja koja se izvode na području općine Maglaj. Sem toga Služba za privredu, finansije i razvoj poduzetništva i Načelnik općine su i u pismenoj formi do zaključenja javne rasprave dobili pismene prijedloge, primjedbe i sugestije na ponuđeni nacrt Budžeta/Proračuna Općine Maglaj i to smo vam dostavile na mailove svim vijećnicima, sve zapisnike sa javnih rasprava i ono sve što smo dobili u pismenoj formi. Uvažavajući većinu stvari koje su se odnosile na pozicije u Budžetu Općine i naravno kroz plan kapitalnih ulaganja koje će ponuditi Služba za urbanizam, Služba za privredu, finansije i razvoj poduzetništva zajedno sa Općinskim načelnikom je sačinila konačan prijedlog Budžeta/Proračuna Općine Maglaj za 2020.godinu i on iznosi 8.923.109,00 KM. U odnosu na ono što je usvojeno na sjednici Općinskog vijeća u Nacrtu on je veći za 319.226,00 KM ili 3,71%, a u odnosu na Budžet/Proračun Općine Maglaj za 2019.godinu on je veći za 21.200,25 KM ili 0,24%. Ono što bi napomenuli u prijedlogu Budžeta da smo se uglavnom rukovodili na vlastitim prihodima Općine Maglaj i oni procentualno iznose 80% ili 7.152.109,00 KM.

Pauza za Klub SDA

Otvaram raspravu

Vijećnik Delić Edib, ja neću iznijeti stav poslije pauze, nego iznosim svoje lično mišljenje o prijedlogu Budžeta za 2020.godinu. Ja sam na prošloj sjednici kad je bio Nacrt Budžeta za 2020.godinu imao lične prijedloge da se uvrste u Budžet za 2020.godinu, a shodno održanoj sveobuhvatnoj javnoj raspravi kako smo i donijeli zaključak na prošloj sjednici. Javna rasprava je održana u svim mjesnim zajednicama, centralna kako je šefica službe rekla, centralna je održana u ovoj Sali i ja lično nisam imao uvid, pošto nisam vidio taj mail na kome je stajao sadržaj zapisnika sa svih javnih rasprava, ali vidljivo je da je vrlo malo stvari usvojeno, odnosno oni prijedlozi koji su išli sa javnih rasprava nisu ugrađeni u ovaj prijedlog Budžeta za 2020.godinu. Molio bih nadležnu službu da radi javnosti iznese bar one krupnije podatke, ne mora sve prijedloge sa javnih rasprava, ali bilo bi dobro pošto imam osjećaj da se gubi smisao javne rasprave jer unaprijed znamo da od te javne rasprave nema ništa. S toga da bi razuvjerili sve one koji tako razmišljaju moralo bi se više vremena i pažnje posvetiti prijedlozima sa javne rasprave. U mojoj MZ je održana javna rasprava za MZ Moševac, Kosova, Oručje i Ravna, jeste da je bio mali

odziv na samoj javnoj raspravi, ali zaključujem, možda je i ovo razlog, ljudi znaju unaprijed pa neće da gube vrijeme, a mi da bi razuvjerili takve stvari i takve stavove potrebno je da uvažavamo više ta mišljenja sa javne rasprave kako bi sigurno poboljšali kvalitet samog prijedloga Budžeta. Kao što sam rekao moji prijedlozi i prijedlozi koje sam ja čuo nisu ušli u ovaj prijedlog Budžeta, tako da predstavnici Službe bar ovdje iznesu ono što je predloženo i šta je prihvaćeno za prijedlog ovog Budžeta.

Vijećnik Mirza Bradarić, koristim priliku da u ime Kluba SDP-a čestitam svim katolicima i pravoslavicima božićne praznike i svima nama da zaželim sretnu i uspješnu 2020.godinu.

Što se tiče Budžeta Općine Maglaj, moram još jednom čestitati i Načelniku i službama što su skoro pa dvije sedmice prije isteka kalendarske godine dostavili ovaj prijedlog Budžeta. Svjesni smo mi da i na višim nivoima vlasti, vidjeli smo iz medija da je Zastupnički parlament FBiH usvojio Budžet, no međutim, vidimo iz medija da Skupština ZDK još uvijek nije i po riječima ministra za finansije koji kaže da ne zna da li će do kraja kalendarske godine Budžet doći tek u formi nacrtu ili prijedloga. I ako bude u formi prijedloga bit će po skraćenom postupku. Zašto, iz kojih razloga meni to nije jasno?

Što se tiče Budžeta, ja ću iznijeti samo par stavki vezano za ovaj prijedlog, a to je da ne možemo a da ne primjetimo stavku koja se zove poticaj maloljetnoj djeci u hraniteljskim porodicama od 1.000,00 KM, što je zaista jako pohvalno i značajno. Prije svega što se ova stavka pojavljuje prvi put u prijedlogu Budžeta ikada do sad. Nadamo se u vremenu koje slijedi u nekim od narednih godina da će ova stavka sigurno se povećavati, jer znamo koliki je borac svaki hranitelj, a također koliki nose teret ili odgovornost da dijete koje su primili u svoju porodicu da izvede na pravi put.

Stavka transfer pojedincima, poticaj natalitetu i vantjelesnoj oplodnji iznosi 35.000,00 KM. Problematika začeca danas je i kod nas nažalost i kod nas u našoj općini veoma prisutna. Ja se izvinjavam kolegici Kaniti Bašić, nadam se da neće uzeti za zlo što ću nju trenutno sad spomenuti. Ona je sigurno jedan dokaz, ona i njen suprug Damir koji su bili u ovoj teškoj situaciji. Problematika oko zasnivanja porodice, oni najbolje znaju koliko je to mukotrpana situacija, koliko je to teška situacija, koliko treba snage i živaca, a isto tako na kraju koliko treba i novčanih sredstava da bi se došlo do bebe. Vi to najbolje znate, ali hvala Bogu pa je efekat pozitivan. Danas kolegica Bašić i njen suprug imaju zaista dva prelijepa sinčića. Ja im ponovo čestitam na tome i iskreno se nadam da će barem ovo malo pospješiti i u nastavku proširenja njihove porodice koliko toliko.

Troškovi postupka vantjelesne oplodnje su jako skupi, a nerijetko ti postupci završavaju neuspjehom. Duboko vjerujem da će iznos sufinansiranja vantjelesne oplodnje barem malo pomoći bračnim parovima u zasnivanju porodice, te dugoročno gledano nadamo se da će povećanjem nataliteta se povećati i broj djece i u vrtićima i u školama, jer se trenutno broj djece enormno smanjuje, ipak su djeca naša budućnost.

U okviru podgrupe 615 vidimo da je stavka 615-118 grupisana a ne razdvojena na stavku 1,2,3 i 4. kako je to do sad bilo. Ja bih u ime Kluba SDP-a zamolio šeficu službe, ako može da nam odgovori tj. da pojašnjenje, zašto je to urađeno. Također bismo voljeli da nam se pojašni pozicija 615 100 kapitalni transferi drugima.

Pozicija 615 211 – 1 Transfer za Starter projekte je povećana za 10.000,00 KM u odnosu na Budžet iz 2019.godine koji je iznosio 20.000,00 KM, a sada je u prijedlogu za ovu stavku 30.000,00 KM. Ističemo da je veoma važno prepoznavanje značaja poticaja za mlade ljude u vremenu kada je trend odlaska aktuelan na prostoru cijele države, gdje mladi radno sposobni ljudi iz mnogih razloga napuštaju našu domovinu.

Ja po pitanju ovoga ne bih više detaljsao, ali moram još jednom pohvaliti povećanje na stavkama za sport i kulturu. Možda će neko reći nisu to velika povećanja, ali kada se svake godine poveća pomalo, a što je najvažnije, realizacija tih planiranih sredstava bude u jako velikom procentu onda je to uspjeh.

Također bih pohvalio i povećanje na stavkama za poljoprivredu. Isto bih ponovio kao i ovo za sport i kulturu. Na kraju samo još jedno pitanje šefici Službe za finansije da nam pojašni stavku kompjuterska oprema u Budžetu za 2020.godinu koja iznosi 45.000,00 KM. U koje svrhe su predviđena ta sredstva.

Klub SDP-a će prihvatiti prijedlog Budžeta/Proračuna Općine Maglaj za 2020.godinu.

Vijećnik Hajrudin Ferić, prenijet ću neke od stavova i razmišljanja političke opcije iz koje dolazim i čiji sam predstavnik ovdje u OV.

Naime, gledajući i analizirajući predloženi Budžet za 2020.godinu kroz sve ove projekcije i brojke, kodove itd. možemo donijeti zaključak da će naredna godina biti stabilna i da će se nastaviti sa realizacijom velikog broja kapitalnih infrastrukturnih projekata. Može se očekivati stabilno finansiranje i funkcionisanje javnih ustanova, pa dobrim dijelom i preduzeća. Realno su planirana sredstva za poticaje za malu privredu, poljoprivredu i poduzetništvo, kao i oblast socijalnih subverncija, kulture, sporta, invalidskog sporta i zaštite okoliša. Da ne nabrajam dalje, samo ostaje pitanje sredstava za plaće i naknade zaposlenih u organima uprave, a što je prema nama izuzetno teško, jer su po zakonu potrebna prilično velika sredstva. Ovo je pisano prije nego što smo mi dobili dopis Sindikata iz organa uprave i sigurno da će to zahtijevati i pretpostavljam da će se predstavnik Sindikata i obratiti i zahtijevati i dodatne rasprave i razmišljanja.

Što se tiče DF, mi smo zadovoljni i što su prijedlozi stigli od ovog političkog subjekta u periodu nacrtu i perioda rasprave, prethodnih a i ovih godina, ostali u planu i postali kontinuitet. Samo da napomenem neka, Start Up programi zapošljavanja mladih, srednja za osiguranje toplifikacije zgrada, kolektivnog stanovanja, a ako Bog da

od iduće godine i izmjena azbestnih krovova koji su kako znamo kancerogeni. Zatim, ostaju planirana finansijska sredstva za usluge logopeda, eko akcije, izbor bašte i balkona, finansiranje kontinuirane kontrole zdravstvene ispravnosti vode sa mjesnih, javnih izvorišta, a zadovoljni su, to su naši prijedlozi, dakle iz ovog političkog subjekta i što su djeca bez roditelja smještena u hraniteljske porodice, uvrštena u Budžet, jer će to njima ogromnu podršku i ogroman značaj imati da se mogu opremiti za školu, kupit odjeću, obuću itd.

Zadovoljni smo što je javna rasprava po prvi put o Budžetu obavljena u mjesnim zajednicama, gdje su se ljudi iz administracije približili običnom čovjeku i građaninu, a sve primjedbe, prijedlozi i sugestije, dakle oni prijedlozi koji su realni i koji mogu i trebaju naći mjesta u onom što slijedi nakon usvajanja Budžeta, ovo je nešto što smo uočili a jedna vrsta i odgovora kolega Deliću i tebi. Mi očekujemo, moglo se čuti zaista dobrih prijedloga, ja sam to sve iščitao, od onih da se uklone arhitektonske barijere u ambulanti Liješnica i nekim drugim javnim ustanovama na području grada Maglaja, zatim do pitanja izgradnje mjesnih vodovoda, kanizacionih sistema, rekonstrukcije puteva, mostova itd. U tim pitanjima smatramo da je velika, ogromna odgovornost na Načelniku općine i nama kada se budu radili konkretni programi koji treba tek da slijede na dnevnom redu ovog OV. Da se rade prioritarno, sistematično i odgovorno. Ono što želim ovdje posebno napomenuti je opravdana zabrinutost jednog broja građana grada koja se ogleda u pitanju da li će proći mandat ovom sadašnjem vijeću a da se ne izgradi i gradsko groblje. Drugo pitanje, nešto što smo predlagali a to je da se odgovorno ponašamo prema osobama u stanju socijalne potrebe, oboljelih od teških oboljenja kada nisu u situaciji da plaćaju komunalne usluge da im se pomogne, kako u takvim slučajevima ne bi dolazili u situaciju da im se po izvršnim sudskim presudama plijeni namještaj ili čak sredstva od invalidnina ili socijalnih davanja.

Na kraju podržavam ovaj Budžet i tražimo još jedanput da se krajnje odgovorno pristupi njegovom izvršavanju, a to podrazumijeva prije svega planiranje i transparentnost.

Vijećnica Šefka Hasanić, zamolit ću Načelnika općine i Službu za finansije da iznađu sredstva i da se poveća stavka sufinansiranje redovnih aktivnosti privatnih dječijih vrtića.

Vijećnik Mustafa Bešić, naš klub će podržati prijedlog Budžeta za 2020.godinu, ja se nadam i čvrsto vjerujem da će se nastaviti sa ulaganjima kao i prethodne godine. Ovo do sad što se uradilo, mislim da je vidljivo, vidi se to na terenu i očekujem da i 2020.godina nastavi u ovakvom izdanju.

Vijećnik Fikret Deliće, ja sam prošle godine podnio inicijativu za ukidanje finansiranja boračkih udruženja i ja to već radim četvrtu godinu. Prošle godine u dogovoru s Načelnikom smo uvrstili u budžet projekte boračkih udruženja. Tako stoji i u ovom Budžetu. Mene samo zanima i volio bih da znam kakvi su to projekti, koj su to projekti i tražim od Službe za BiZ, da mi dostavi izvještaj o utrošku sredstava boračkih udruženja, finansijski izvještaj jer ja 4 godine na ovu nepravdu gledam i 4 godine se borim protiv te nepravde. Ja kao vijećnik u OV sam dužan i kao borac na tu nepravdu odgovoriti i evo odgovaram, jer zaista je puno boračkih udruženja 1650 u Federaciji, u Maglaju pogledajte samo koliko ima. Nama ne trebaju tolika udruženja. Da me ne shvati neko pogrešno, ja nisam protiv boračkih udruženja, što se mene tiče može ih biti samo u Maglaju 1600, a mi znamo zašto služe ta udruženja. Ja mislim i znam i tvrdim da su to politička udruženja i privatna udruženja. Mi znamo kako se udruženje može osnovati i kako radi i na koji način. Mene duša boli kad pogledam ovdje, kao neki dan kad je bio Dan obilježavanja Trećeg korpusa. Nema tu nikog, nema tu boraca, tu dođu predstavnici boračkih udruženja i pomole se poginulim borcima, šehidima, prouče fatihu i uzmu dnevnicu. Ja bih zaista volio da mi se dostavi izvještaj za 2019.godinu, a to sam isto i na javnoj raspravi tražio u Novom Šeheru koja je održana po nacrtu Budžeta, a inače podržat ću ja Budžet, kao što je kolega Bešić rekao, samo bih volio da mi se dostavi izvještaj o finansiranju.

Predsjedavajuća, možemo li uzeti ovu sugestiju kao prijedlog za izvršenje Budžeta koji će se pojaviti na dnevnom redu u narednom periodu gospodine Deliću? Bit će izvještaj o radu boračkih, a bit će i izvršenje Budžeta, može se objediniti. Službi samo sugestija za taj naredni period kad bude Izvještaj o izvršenju i izvještaj boračkih udruženja za utrošak sredstava iz Budžeta.

Vijećnik Mustafa Buljubašić, nadam se da je danas vrijeme da kažemo neke stvari koje su direktne za Budžet i koje proizilaze iz nekih drugih odluka viših organa. Da se vidi čije se podržava, a čije se ne podržava. Mislim da danas trebamo imati vremena da iznesemo šta ko ima, jer za mene je ovo zbroj rada u prošloj godini i ono šta bi trebali da radimo u narednoj godini. Naravno da ću se osvrnuti i na neke druge stvari, jer vidim da se i drugi osvrću pa makar to bilo i kratko i ne zaustavljaju se i molim da se i ja ne zaustavljam.

Ovaj Budžet koji je predviđen, obradovala me javna rasprava, a ako vidimo koliko je iz onog izvještaja bilo po mjesnim zajednicama ljudi koji su zainteresovani, onda je to katastrofa i promašen slučaj. Stalno se pozivamo na javnu raspravu. Međutim mi vidimo da to građani ne prihvataju, vjerovatno nemaju u nas povjerenja ili u vladajuću strukturu, znamo ko je to. Javne rasprave po meni nisu uspjele, pogledajmo privrednike. Bilo je ovdje 4-5 privrednika koliko sam ja vidio na TV, preksinoć je ovdje bilo 100 privrednika. Imali su neki razlog zbog čega su bili. Zašto je to tako? Evo ja ću zamoliti ove male privrednike ili velike koji su da pomognu udruženju penzionera, jer to neće da uradi lokalna zajednica. Budžet po meni je samo želja pojedinaca i vladajuće strukture ovdje u Maglaju, a nikako stvarni i pravedni raspored prema potrebama određenih kategorija stanovnika. Ja neću o drugim koji su već rekli, pričati, ali ću kazati o tri stvari. Ja sam napisao ukupno boračka udruženja, ništa ja nemam protiv tih boračkih udruženja. Kaže 53.500 KM, koliko koje udruženje, zašto krijete u Budžetu koliko koje

udruženje treba da dobije. Prije je bilo koliko ko dobija. Što to sad nema? Krije se da bi se radilo ono što se namjerava raditi.

Civilna udruženja 38.000 KM, nije to, ja nisam ovdje, ne izjašnjavam se jel to puno ili malo. Koliko koje udruženje je predviđeno, to sad nema u ovim papirima. Zašto je to tako? I zato treba pričati da javnost o tome zna. Udruženje penzionera Maglaj koja ja vodim doživljava jako neprijatne situacije. Prvo što dvije godine predviđena sredstva za pomoć socijalno ugroženim penzionerima po 15.000 KM, nije dinar došao u udruženje. Tražio sam vijećničko pitanje ovdje, dobio sam ga, kaže ne znamo mi dijeliti bolje, oni znaju dijeliti i pravedni su imaju iskustva. Jel to odgovor meni, a ja sam to tražio da ne bi duplirao izdvajanja istim ljudima da oni koji nemaju ni komad ovog hljeba koji sam ja ponio. Nemaju hljeba. 1700 penzionera u Maglaju ima penziju 371,00 KM. Do 80% penzionera prima zagarantovanu 465,00 KM i nećemo ih pomoći. Kaže mi bolje znamo. Imamo ovdje treću stavku „Merhamet“ 40.000 KM, koga taj „Merhamet“ hrani. To treba da se napiše, treba da ima izvještaj „Merhameta“ ko se tamo hrani. Tamo se hrane ljudi koji imaju po 500,600,700 i 800,00 KM penziju. Tamo se hrane ljudi koji imaju slovensku i hrvatsku penziju. To je istina, hoću imena i prezimena ljudi koji tamo idu, ako njega nije stid otići tamo ručati, što bi bilo stid šefice „Merhameta“ dostaviti spisak Službi. Ja to hoću, jer to mene interesuje. To se radi opet o mnogim stvarima koje ne valjaju i koje nisu dobre. Zato tražim da se ove stvari ispravljaju ili ćemo mi ispravljati u nekom narednom periodu. Ja sam govorio za ovom govornicom ako Načelnik ne zna kako se dijele pare, onda neka ode u Tešanj, evo preko brda je 20 km, a oko je 40 km, pa da vidi da je Načelnik općine Tešanj posjetio Udruženje penzionera, da je Načelnik Doboj-jug posjetio Udruženje penzionera, za Dan penzionera, a nama se suhoparno preko televizije kaže čestitamo, ko ima problema i potreba neka dođe kod mene. Zato Načelnice, postoje udruženja, udruženje, ni jedna ustanova finansijska u državi ne daju pojedincu, nego daje udruženju. Razbijate nam udruženje. Najnoviji slučaj razbijate Stranku penzionera kao da neću ja doći opet na listu pa proći. I doću i proću i vi ste postavili sadašnjeg predsjednika tamo i po rodbinskoj i po stranačkoj vezi za predsjednika. To je 100% istina. Ja ne želim odgovore na ovo, ako budemo odgovarali ostat ćemo stvarno puno i otićemo daleko.

Razbijate naravno i privrednike, pokazala je sjednica, pokazala je sjednica koja je bila privrednika u dva momenta. Na jednoj bilo 100, na drugom bilo 5 ljudi. Sve je to ovo Budžet. Ja neku večer gledam, izlazi Damir Mašić i ne usvaja Budžet i govori nemojte usvojiti Budžet gore, imam pravo da kažem jer su to prije mene drugi naspomenuli, kantonalni Budžet. I kaže nećemo, šta je u tom Budžetu sporno. Vojska, policija, penzioneri. Jel to sporno, jel nama ti ljudi trebaju ili ne trebaju? Pa nije ni čudo što Načelnik u dva puta izlazi na dva vijeća po sat vremena i kritikuje policiju, koja je u jednom danu u ratu znala obići tri ratišta, odnosno tri kote gdje je bila kriza da brani. Danas ih kritikujemo, to nam to treba da kritikujemo te ljude, koji ne spavaju po noći, zato što pojedincima ne odgovaraju i ja i to znam.

Bolje bi bilo da ste ostali zaleđeni od '92.godine, nego da kritikujete Radončića i Željku Komšića koji su sada prihvatili, nakon drugih, dugih rasprava koje traju nekoliko godina već zadnjih. Da se napravi vlast, da se otkoči ova situacija. Naravno da SDP-e nije za to, jer njima odgovara haos i njihova mjesta. Ovo svjesno govorim, ovo vam je sigurno. Ja stojim iza svojih riječi jer ovo se snima.

Vraćam se na Budžet i kaže, mi nećemo prihvatiti to, a ovdje u Maglaju kontra prihvatamo. Evo na Budžetu sam. Gore nećemo prihvatiti to, a ovdje hoćemo. Gospodo, ja vas molim nemojte dirati Radončića i Komšića, dirate ih, dva su izlazila ovdje i to spomenula pred Budžete drugih kantona. Nemojte ih dirati jer su ušli da spasu ovo. Ušli su da spase. Izvještaj Radončića je, mi moramo se boriti i ja sam oštećen, ali ovdje je borba za Bošnjake i za BiH. Ja sam rekao ovo i slažem se sa opozicionom stranom koja ovo ne prihvata i neće da prihvati.

Mnogi misle da smo mi penzioneri evo ja ovdje diskutujem, Načelnik je pola vremena proveo sa djecom u Maglaju, prvačići, predškolska djeca, mali sportisti, razne stvari i daju se i tamo novci. Ovo je o Budžetu, gdje su tu penzioneri, nije nama to krivo, to su naša djeca, naši unuci, naši praunuci. Ćesu penzioneri u tome, ljudi koji nemaju hljeba, mlado i malo dijete ima i mladog oca i majku koji se mogu za njega izboriti. Koga penzioner ima, pa pola plata penzioneri daju za lijekove i ishranu. Odeš doktoru, evo i ja sam išao doktoru i kaže Mustafa moraš malo soka, malo voća, malo džigerica, odakle, kako od koje penzije. Platiš obaveze, lijekove, ja i žena plaćamo preko 300,00 KM za lijekove mjesečno. Ja sam dao više od 1.000,00 KM od nove godine do sad. Kako ćemo mi pomoći te ljude, nema šanse. Načelnik je prilagodio sebi i grupa oko njega ovo vode i ovo nije dobro. Ja se nadam da će se to morati popraviti.

Ja ako smetam ja ću za sad toliko, a ja ću se opet vratiti.

Vijećnik Hajrudin Ferić, ja sam zaboravio u prvom svom dijelu izlaganja da kažem da imam informacije da je po osnovu naknada za šume negdje 40.000,00 KM došlo na naš Budžet i samo predlažem da se ta sredstva uvrste u ovaj Budžet za 2020.godinu, a to će nam pomoći ako prihvati da se oprihoduju, pardon u 2019.godinu, a tu će mi sa ovim prijedlogom zaključka malo pomoći i ovi ljudi iz Službe. Dakle, tih 40.000,00 KM da se oprihoduju u 2019.godini.

Vijećnik Safet Jašić, iz našeg kluba je bilo nekih razmišljanja i stavova i ja ću iznijeti stav kompletnog Kluba SDA.

Klub vijećnika SDA smatra da prijedlog Budžeta za 2020. godinu nije niti razvojni, niti socijalni, već isključivo Budžet predizborne kampanje što je vidljivo iz mnogobrojnih stavki, a mi ćemo navesti samo neke od njih, možete ih pratiti, a podaci su iz materijala koje smo dobili svi mi vijećnici.

Na strani 29. analitički dio 615 117 kapitalni transferi mjesnim zajednicama sufinansiranje, ova stavka povećana je na 460.000,00 KM ili za 138,10% u odnosu na raniji period iz kojeg vidimo da izvršenje nije ni bilo blizu čak ni tih manje planiranih iznosa.

Na istoj strani analitički dio 615 118 rekonstrukcija, sanacija, održavanje, izgradnja infrastrukturnih objekata u prethodne dvije godine i plan izvršenja je nula. Za 2020. godinu planirano je 537.000,00 KM. Da li se to u prethodnom periodu nije ništa uložilo, da bi se moglo uložiti u predizbornu kampanju pošto je naredna godina predizborna godina.

Za troškove JU Dom kulture predviđena sredstva su u iznosu od 141.994,00 KM, povećano u odnosu na raniji period za 118,33%.

Za usluge javnog informisanja, odnosa sa javnošću, reportaže i reemitovanje sjednica OV Maglaj, održavanje već postojeće web stranice i druge medijske usluge sredstva se iz godine u godinu povećavaju, a usluge i dalje ostaju iste. Služe nekolicini i ni na koji način nisu poboljšane, tako da za ovu vrstu usluga predviđeno je povećanje iznosa za 140% u odnosu na prethodnu godinu tj. za 2020. godinu, predviđeno je 70.000,00 KM. 2018. godini bilo je 42.000,00 KM, a 2019. godini 50.000,00 KM. Znači, ovo su sve pokazatelji koji govore ono upravo o čemu sam ja na početku rekao kakav je Budžet i zašto su stavke ovakve.

Na strani 9. Podkategorija 2. Analitički kod 613-952 izrada prioritete projektno-tehničke dokumentacije neophodne za apliciranje budućih projekata javnih poziva, aplikacija, međunarodnih organizacija i donatora, vlastita i namjenska sredstva za ovu stavku, nije predviđen niti 1 fening sredstava iz Budžeta za 2020. godinu, a isti je slučaj i sa finansiranjem uređenja obale rijeke Bosne.

Primjetili smo u tabelarnom prikazu gdje je struktura rashoda i izdataka izražena u procentima kada se saberu sve stavke uključujući i budžetsku rezervu iznosi 131,35%, a ne 100 % kako je to predstavljeno, pa zato nas interesuje u čemu je problem ili je greška neka, ali uglavnom smo mi došli do ovog procenta.

Pored navedenih postoji još niz razloga zbog kojih Klub vijećnika SDA neće podržati prijedlog Budžeta za 2020. godinu i oduzelo bi to mnogo vremena ako bismo sve to pojedinačno navodili. Sukladno navedenom Klub vijećnika SDA neće prihvatiti ni prijedlog Odluke o izvršavanju Budžeta Općine Maglaj za 2020. godinu što je naredna tačka na dnevnom redu.

Vijećnica Svjetlana Zamboni, ispravka krivog navoda – za povećanje vezano za JU Dom kulture „Edhem Mulabdić“ Maglaj. Gospodin Jašić je naveo da je povećanje u Budžetu za 2020. godinu u iznosu od 118% u odnosu na ovu godinu, to bi iznosilo 259.420,00 KM, kamo sreće da je tako. Nije povećanje za 118% samo da znate gospodine Jašiću, preračunajte pa ćete vidjeti. Drugo je 18%, a ne 118% ja sam morala reagovati da ne ode pogrešna informacija u javnost.

Nedžad Čatić, obraćam se u ime Sindikalne organizacije Organa uprave Maglaj. Sindikalna organizacija se obratila OV za povećanje osnovice za obračun plaće za 2020. godinu. Samo da vam pojasnim, osnovicu za plaću donosi Općinsko vijeće Odlukom o izvršenju Budžeta, a prije same Odluke prethodi dogovor Sindikalne organizacije sa Načelnikom. Sindikalna organizacija je uputila zahtjev Načelniku početkom novembra za povećanje plata sa zaključcima sa održane skupštine. U tom momentu mi smo tražili 320,00 KM kao osnovicu. Imali smo sastanak prošle sedmice, gdje nismo postigli dogovor, tako da je osnovica za obračun plaće ostala u iznosu od 286,00 KM u prijedlogu ovog Budžeta. Ova osnovica od 286,00 KM je još iz 2016. godine i prije toga je prethodila 2015. godine usaglašavanje koeficijenata, koji su u skladu sa Zakonom o plaćama i naknadama u organima vlasti FBiH, time se oglašavanjem, neki vijećnici se sjećaju toga prilikom toga je došlo do pretumbacije koeficijenata u okviru iste gomile para, tako da je u tom slučaju bile su smanjene plate državnim službenicima za 70-90,00 KM. Nakon toga je uslijedilo donošenje osnovice 2016. godine 286,00 KM gdje su državni službenici došli otprilike na taj nivo koji su imali prije, tako da u suštini državnim službenicima nije povećana plata najmanje deset godina. U ovom dopisu koji sam ja uputio Vijeću, u stvari zahtjev, ja sam naveo i osnovice za obračun plaća u susjednim općinama kao i općinama u ZDK pošto se mi vežemo kako je to u drugim općinama. Vidite iz samog ovog pregleda da smo mi općina sa najmanjom osnovicom za plaće, čak imam informaciju da i Kanton je povećao osnovicu koji je bio tu negdje ko i mi. U mom prijedlogu, na kraju ja sam naveo da bi mi bili zadovoljni da se utvrdi nama osnovica za plaću u visini najmanje u okruženju, a to je trenutno 305,00 KM koje ima Doboj-jug, s tim da oni imaju dogovoreno već s Načelnikom za veću osnovicu koja ide na Vijeće. I u toj situaciji mi bi bili zadovoljni s tom osnovicom, ali i u toj situaciji mi bi imali najmanju plaću u ZDK.

Molim vas da razmislite o tome.

Senada Alibajraktarević, ja ću pokušati kratko odgovoriti. Zahvaljujem se dopredsjedavajućem budući da je na dio vijećničkog pitanja gospodina Ediba Delića i on djelimično odgovorio, ali i ja ću iznijeti dodatno pojašnjenje. Kao što sam rekla u uvodnom izlaganju po zaključku Općinskog vijeća Služba je zajedno sa Općinskim načelnikom organizovala i sprovela javnu raspravu na ponuđeni nacrt Budžeta za 2020. godinu i pokrila sve mjesne zajednice. Žao nam je što je na javnim raspravama na ponuđeni nacrt Budžeta Općine Maglaj za 2020. godinu bio veoma mali broj prisutnih građana sa područja tih mjesnih zajednica, da većina zahtjeva se odnosila na povećanje

stavke za infrastrukturna ulaganja koje smo mi uobzirili u prijedlogu Budžeta Općine Maglaj, tako da smo na poziciji 615 117 kapitalni transferi mjesnim zajednicama, finansiranje i sufinansiranje kapitalnih projekata, izvršili povećanje u odnosu na nacrt sa 275.000,00 KM, na 460.000,00 KM, a što se tiče druge pozicije za ulaganja u kapitalnu infrastrukturu na području cjelokupne općine Maglaj, tad smo ovu stavku 615 118 koja je bila analitički razdvojena na 615 118 – 1,2,3,4, da ne čitam pune nazive, objedinili u rekonstrukcija, sanacije, održavanje i izgradnja infrastrukturnih objekata. To bi bio ujedno i odgovor gospodinu vijećniku Mirzi Bradariću na postavljeno pitanje.

Kada uzmemo u obzir kako kaže vijećnik Edib Delić da javnost obavijestimo o zahtjevima svih naših budžetskih korisnika za stavke u povećanju Budžeta, ono što ste i vi dobili u pisanom materijalu vidjeli ste da je veoma mali broj zahtjeva odnosio se na konkretno povećanje u finansijskom iznosu, ali ja ću ih sve iščitati.

Gospodin Delić Edib je tražio povećanje ulaganja u infrastrukturu MZ i poboljšanja uslova na sportskim terenima u iznosu od 50.000,00 KM i taj njegov zahtjev će biti uobziren u planu kapitalnih ulaganja u zavisnosti od usvojenog plana i odnosi se na poziciju 615 117 koja je povećana.

Gospodin Ernad Bećirović iz MZ Ulišnjak je tražio da se poveća pozicija za zimsko održavanje lokalnih i nekategorisanih puteva u mjesnim zajednicama. Znači ta stavka je povećana sa 400.000,00 KM na 490.000,00 KM.

Ono što smo još mogli čuti na javnoj raspravi da se u finansijskom iznosu uvrsti sufinansiranje iz Budžeta Općine Maglaj u visini od 20.000,00 KM za projekat IT Challenge, znači uobziren je zahtjev, zatim zahtjev JU Centar za socijalni rad Maglaj povećanje na godišnjem nivou od 11.352,00 KM, uobziren zahtjev u konačnom prijedlogu. Zahtjev Sindikalne organizacije Organa uprave već je predsjednik Sindikata iznio vama na Vijeću.

Zahtjev privatne ustanove „Dječiji osmijeh“ Maglaj, zahtjev za povećanje finansijskih sredstava planiranih nacrtom da se poveća sa 5.000,00 KM na 7.000,00 KM nije uobzireno, niti za našu JU Dječiji vrtić niti za drugu ustanovu privatni vrtić nije uobzireno povećanje, tako da su oni ostali na nivou finansiranja u 2019.godini. Zatim je KJD tražilo da se poveća stavka za zaštitu okoline sa 100.000,00 KM, tu smo ispunili zahtjev KJD. Imamo ponovo zahtjev MZ Moševac koji je predstavio i gospodin Edib Delić na javnoj raspravi u Moševcu, znači za uvrštavanje tih 50.000,00 KM za poboljšanje infrastrukture na nogometnim stadionima. Zatim, imamo zahtjev RTV Maglaj za povećanje realizacije medijskih projekata koji su od javnog interesa ugovorene usluge za 20.000,00 KM, to smo ispunili zahtjev. Zatim smo imali zahtjev MZ Ulišnjak koji su tražili da se poveća stavka za održavanje nekategorisanih puteva, tu smo izvršili povećanje sa 400.000,00 KM, na 490.000,00 KM, zatim zahtjev gospodina Senada Šehića za izdavanje 5.000,00 KM u cilju sufinansiranja postupaka biomedicinske oplodnje, to je uvaženo i poticaj natalitetu je povećan sa 25.000,00 KM, na 35.000,00 KM. Imali smo zahtjev Saveza za sport i rekreaciju invalida Maglaj za uvećanje granta za invalidski sport, uvažili smo zahtjev, povećali sa 15.000,00 KM na 17.000,00 KM. Imamo zahtjev Službe za BiZ, opću upravu i društvene djelatnosti uvrštavanje granta namjenskih sredstava za održavanje objekata za socijalno neprofitno stanovanje radi 15.000,00 KM uz subvencioniranje stanovanja za korisnike socijalno ugroženih kategorija, uobziren zahtjev. Zatim imamo HDZ Maglaj koji su tražili takođe povećanje za tekuće održavanje i rekonstrukciju lokalnih puteva zimsko i ljetno održavanje sa 400.000,00 KM povećali smo na 490.000,00 KM. Oni su tražili povećanje pozicije na 615 117 kapitalni transferi mjesnim zajednicama finansiranje i sufinansiranje projekata, tu smo povećali sa 333.095,17 KM na 460.000,00 KM. Imali smo zahtjev JU Gimnazija „Edhem Mulabdić“ za uvrštavanje projekta IT Challenge za uvrštavanje 20.000,00 KM, tu smo ispunili zahtjev i ono što smo još dostavili vama vijećnicima u materijalima imali smo prijedlog D.o.o. „Sjaj“ Maglaj za uvrštavanje sredstava koja se odnose na sufinansiranje gradskog prijevoza, odnosno sufinansiranje troškova prijevoza na općinskim autobuskim linijama unutar općine. Taj zahtjev je dostavljen u Službu poslije zaključenja javne rasprave na ponuđeni nacrt, odnosno 27.11.2019.godine, znači po isteku vremenskog roka za provođenje javne rasprave koje je nama OV dalo u zadatak.

Mislim da sam gospodinu Edibu Deliću odgovorila na sva pitanja koja su se ticala svih pozicija na povećanje, generalno većinu stvari smo uzeli u obzir u skladu sa finansijskim mogućnostima.

Imamo pitanje gospodina vijećnika Mirze Bradarića, pozicija 615 117 i 615 118, već sam napomenula da su to kapitalni transferi. 615 117 su kapitalni transferi u mjesnim zajednicama, finansiranje ili sufinansiranje projekata, to je znači sva ulaganja u naše mjesne zajednice, kao i vodne naknade koje očekujemo sa nivoa kantona i 615 118 rekonstrukcija, sanacija, održavanje i izgradnja infrastrukturnih objekata, to je djelimično pitanje gospodina Safeta koji je pitao za ovu poziciju, znači ona je objedinjena, tako da analitički što je bila razdvojena 615 118 – 1,2,3,4, sve je sad u jednoj poziciji 615 118 rekonstrukcija, sanacija, održavanje i izgradnja infrastrukturnih objekata.

615 100 kapitalni transferi drugima, član 180. Zaštita i spašavanja pomoć za elementarne nepogode, to je nova pozicija koju smo uveli u Budžet, a odnosi se na pomoć drugim općinama koje zadesi elementarna nepogoda, to su ona sredstva koja smo i mi dobijali od drugih općina kada smo mi bili u takvoj nezavidnoj poziciji, a sve je regulisano Zakonom o zaštiti i spašavanju.

Bilo je pitanje gospodina Mirze Bradarića vezano za kompjutersku opremu 45.000,00 KM, to je nabavka servera i licenci za završetak uvođenja DMS u Općinu odnosno općinskoj administraciji.

Još bi odgovorila na pitanje gospodina Safeta za 613 952 izrada projektne tehničke dokumentacije i usluga nadzora, to je objedinjeno, tako da više ne postoji analitička razdvojenost kao kod 615 118, nego se sve vodi na jednoj poziciji 613 952 i to je iznos od 100.000,00 KM.

Na pitanje gospodina dopredsjedavajućeg za subvencioniranje troškova socijalno ugroženim kategorijama, da su nam to uračunate kroz pozicije u Budžetu koje vodi Služba za BiZ, opću upravu i društvene djelatnosti.

Vijećnik Safet Jašić, u obrazloženju na kraju ima tabelarni prikaz gdje smo primjetili da je struktura rashoda i izdataka izražena u procentima kad se sve sabere veća od onoga što bi trebalo biti normalno 100% i rashodi i sve ostalo, ovdje ispadne nam 131 %. Mislim da ne treba da bude.

Senada Alibajraktarević, što se tiče ovog izvršenja sve ove boldirane stavke se sabiraju u procentu 100%, a ovo sve što vidite npr. pod red.br. 3 tekući transferi su 31,355, a ostalo su analitički dio transferi pojedincima, mjesnim zajednicama i ostalo.

Pauza za sumiranje prijedloga i stavova.

Načelnik općine, zahvaljujem se svim diskutantima i na pohvalama i na kritikama i na prijedlozima, sugestijama itd. Najveći dio toga je gospođica Senada Alibajraktarević odgovorila, tako da nemam potrebu previše se osvrutati. Samo ću reći da Budžet nema nikakve veze sa izbornom godinom. Pogledajte prošlogodišnji Budžet pa ćete vidjeti u čemu je razlika i Budžet od prije toga itd. Neke stavke koje niste dobro pročitali, ja vam sugerisem ko god bude Načelnik u idućem mandatu, ali ima vas dobar dio koji ćete biti sigurno vijećnici u takvim situacijama obratite se u Službu da vam pojasne. Dakle, nije tu ubačeno ništa što do sad nije bilo, tipa tih 500-600.000,00 KM na 615 118, nego su objedinjene stavke 1,2,3,4. Nema potrebe da se vežu ruke. Prošle godine smo imali 120.000,00 KM planiranih za obalo utvrdu, najveći dio sredstava bilo planirano kao namjenska sredstva od Fonda za zaštitu okoliša nisu došla, a onda na neki način vežete onaj vaš sufinansirajući dio, vežete sebi ruke. Takva je situacija i kod projekata jer su bili prošle godine na dvije stavke. Nema potrebe dakle, na jednoj su stavci i praktično zbog vođenja evidencije u finansijama zbog praćenja izvršenja Budžeta. Ima stavka, već je objašnjena, radi se o sredstvima za zaštitu i spašavanje gdje smo predvidjeli dio sredstava (mala su to sredstva, ali s obzirom na dešavanja elementarnih nepogoda) i na drugim područjima i drugim općinama stavili smo određeni iznos. Ne daj bože, bolje da se ne desi, ali ukoliko se desi da nekom i Općina Maglaj može pomoći s određenim iznosom, koliki je toliki, takve su naše mogućnosti, ali sigurno je dobra namjera, dobro djelo jer i druge su općine pomagale općini Maglaj 2014.godine kada se desila poplava.

Što se tiče javnih rasprava po mjesnim zajednicama i centralne javne rasprave, generalno nije bilo posjećeno s tim da se ja ovdje ne slažem da građani nemaju povjerenje, nego bi ja rekao prije da su zadovoljni, tako da na javne rasprave nisu došli ni poljoprivrednici, ni sportisti, ni druga udruženja, vjerovatno zadovoljni s onim što je u ovo nekoliko godina povećano i na način kako se raspodjeljuje i naravno na način kako je planirano za 2020.godinu. Od mladih su se samo pojavili učenici koji su u projektu IT Challenge i njih smo uobzirili.

Što se tiče najvećeg dijela prijedloga po mjesnim zajednicama, oni se praktično nisu ticali Budžeta nego ovako kako je dopredsjedavajući rekao, tiče se planova koje ćemo mi usvajati na narednim sjednicama za realizaciju projekata, kao što smo usvojili i prošle godine.

Povećanje nekih stavki kao 615 117 proizilazi iz toga što je i ove godine Kanton zbog načina onako kako rade razvukao procedure oko vodnih naknada, tako da će vodne naknade ući i u 2020.godinu i zato je tu stavka veća i to su namjenske pare najvećim dijelom, manji dio je naših para koje su za projekte po mjesnim zajednicama.

Što se tiče ovih neistina koje je iznio vijećnik Buljubašić, neću ih ni komentarisat, nemam potrebe za to što svaki put se sam demantuje kad dođe izvještaj o izvršenju Budžeta, tada ćete vidjeti da je ovo čista laž da Udruženje penzionera nije dobilo ni marku, nego da će dobiti sve i jednu marku koje je planirano u Budžetu. Penzioneri dobijaju subvencije onako kako je planirano.

Što se tiče „Merhameta“ tražite informaciju od Službe, tražit ćemo i mi od „Merhameta“ poimenično ko je sve korisnik, ako vas to interesuje. Znam da je ovo stavka koja je dugo godina u Budžetu i ja sam je kao vijećnik usvajao i mogu reći da Maglaj je jedna od općina koja bolje finansira „Merhamet“ to su sami priznali ljudi iz „Merhameta“. Ako vijeće odluči da ne treba tu stavku, onda je ne možemo ni realizovati, to je tako.

Zahvaljujem se na svim ovim raspravama i nadam se da ćemo zajedno realizovati projekte i naredne godine, pred nama je istek 2019.godine, onaj ko se sjeća govorio sam da će treća godina mandata mog biti najteža i zaista je bila najteža, ali evo pri kraju je i hvala vam svima.

Predsjedavajuća, to je bila diskusija po prvoj tački dnevnog reda kao rezultat svih provedenih diskusija potrebno je konkretno djelovati i donositi odluke vezano za prijedloge koji su došli od Sindikata. Ja ću pročitati prijedlog zaključaka vezano za te zahtjeve koji su pomireni sa Budžetom i sa obradom stručne Službe i jedan prijedlog zaključka koji ćemo odvojiti od ovoga vezan je za Budžet 2019.godine.

Šefica Službe je dala obrazloženje na prijedlog gospođe Hasanić vezano za dječije vrtiće bilo da su privatni ili državni.

Molim vas da pažljivo poslušate prijedlog jer ćemo se o njima izjašnjavati vezano za zahtjeve Sindikata.

Predlažem prijedlog:

Nema izmjene osnovice za 2020.godinu, a utvrđuje se vrijednost boda u iznosu od 1,05 za 2020.godinu, dakle, dva prijedloga zaključaka ne mijenjamo u tom smislu, u Budžetu nema izmjene, a na određeni način se izlazi i u susret zahtjevima Sindikata. Ko je za ova dva prijedloga?

Pauza za Klub SDA

Vijećnik Safet Jašić, stav Kluba po ovom pitanju, mi smo iznijeli svoj stav što se tiče Budžeta i smatramo, odnosno znamo kada je u pitanju ovaj drugi dio da Načelnik može ovo riješiti na zadovoljstvo Sindikata kroz Odluku o izvršenju Budžeta u članu 20. sve tamo stoji i bez Općinskog vijeća.

Klub vijećnika SDA predlaže da se pri glasanju razdvoji Odluka o Budžetu i zahtjev Sindikata, tako da bi se mi mogli lakše i odrediti. O budžetu smo rekli šta mislimo, iznijeli svoj stav, a možda po ovom zahtjevu Sindikata malo se razlikujemo.

Vijećnik Hajrudin Fermić, ovo je stav Kluba SDA i treba poštovati proceduru, samo želim da iznesem i malo drugačije mišljenje. Naime, ako mi donosimo, utvrđujemo Budžet, nama je jako važno da ukupna planirana stavka, predložena u Budžetu ne bude uvećana itd. čak da ima potrebe da se ide i u rebalans zbog toga. To je s jedne strane, s druge strane mi i jesmo potpuno svjesni zakonskih rješenja i cijele ove odgovornosti i kompetencija Načelnika općine u odnosu prema uposlenicima, kao poslodavac i naravno to je riješeno određenim propisima i tu ne treba da mi ulazimo. Mi ovim samo zaključkom u Budžetu potvrđujemo naš stav da ukupna cifra planirana za plate i naknade zaposlenim u općinskoj administraciji ne može a da je ovo način kako da se između ostalog pomogne Načelniku u rješavanju. I da znamo ona je svake godine ista.

Predsjedavajuća, prvi prijedlog zaključka bio je ovaj koji sam iznijela, te vas molim da se izjasnite o ova dva zaključka.

ZAKLJUČAK

1. Nema izmjene osnovice za obračun plaće za 2020.godinu koja iznosi 286,00 KM za državne službenike i namještenike Općine Maglaj.
2. Općinsko vijeće utvrđuje vrijednost boda u iznosu od 1,05 za 2020.godinu za državne službenike i namještenike Općine Maglaj.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Predsjedavajuća, stavljam prijedlog zaključka po pitanju Budžeta Općine Maglaj za 2020.godinu na glasanje uvažavajući i ova dva zaključka koja su usvojena i predlažem

ZAKLJUČAK

1.1.Usvaja se Budžet/Proračun Općine Maglaj za 2020.godinu.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 2.Prijedlog Odluke o izvršavanju Budžeta/Proračuna Općine Maglaj za 2020.godinu;

Otvaram raspravu

Vijećnik Mirza Bradarić, Klub SDP-a će prihvatiti Odluku o izvršavanju Budžeta/Proračuna Općine Maglaj za 2020.godinu. Ova Odluka je puno bolje precizirana, puno bolje odrađena i tačno se zna po ovoj Odluci čija je koja nadležnost.

Vijećnik Hajrudin Fermić, Usvojit ćemo Odluku o izvršavanju Budžeta za 2020.godinu, pominjao sam je puno puta na prošloj sjednici Općinskog vijeća i samo iz tih razloga izlazim da kažem da je ovo izuzetno važna Odluka koja precizira kompetencije, odgovornosti, nadležnosti, pa i sve drugo kada je u pitanju raspolaganje ovim finansijskim sredstvima. U svojoj raspravi o Budžetu pomenuo sam u jednoj rečenici, dajte da uđemo u

2020.godinu sa jasnim planovima, programima, kriterijima koji će blagovremeno biti dostupni svim onim i zaista trenutnim, a i potencijalnim korisnicima budžetskih sredstava. Velika je odgovornost ovdje, najvećim dijelom na Načelnika i ja ne sumnjam da ćemo u tom pravcu napraviti iskorak više, a na zadovoljstvo svih nas.

Senada Alibajraktarević, samo bih napomenula da u skladu sa zaključkom Vijeća za utvrđivanje boda i osnovice za obračun plaća u općinskoj administraciji u članu 26. ove Odluke u prijedlogu kod nas piše :

Osnovica za obračun plaća i boda utvrdit će se u pregovorima između Načelnika općine i predsjednika Sindikalne organizacije državnih službenika i namještenika Općine Maglaj. Da u ovoj odluci bude da je Općinsko vijeće utvrdilo osnovicu u visini od 286,00 KM i bod 1,05 kod isplate plaća općinske administracije za 2020.godinu.

Predsjedavajuća, zaključujem raspravu i dajem na glasanje uz sugestiju vezano za član 26. Odluke o izvršavanju Budžeta/Proračuna Općine Maglaj za 2020.godinu.

Z A K L J U Č A K

2.1. Donosi se Odluka o izvršavanju Budžeta/Proračuna Općine Maglaj za 2020.godinu.

2.2. Da se u članu 26. Odluke o izvršavanju Budžeta/Proračuna Općine Maglaj za 2019.godinu, postojeći stav „Osnovica za obračun plaća i boda utvrdit će se u pregovorima između Načelnika općine i predsjednika Sindikalne organizacije državnih službenika i namještenika Općine Maglaj“, briše, a treba da stoji Općinsko vijeće je utvrdilo osnovicu u visini od 286,00 KM i bod 1,05 kod isplate plaća općinske administracije za 2020.godinu.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Predsjedavajuća, došlo je do tehničke pogreške u prvoj tački dnevnog reda. Mi se nismo očitali o prijedlogu koji je iznio dopredsjedavajući, moram reagovati i iznijeti prijedlog vezan za prvu tačku dnevnog reda, odnosno naknade od šuma.

Načelnik općine, ja mislim da niste napravili nikakvu proceduralnu grešku, bio je Budžet, bila je Odluka o izvršavanju Budžeta, a ovo je bio prijedlog zaključka koji se tiče za 2019.godinu i sad ga možete staviti na raspravu.

Predsjedavajuća, ja sam se usaglasila sa dopredsjedavajućim i prijedlog zaključka je bio slijedeći: Radi se o naknadi od šuma i dostavljenim sredstvima.

Z A K L J U Č A K

Općinsko vijeće daje saglasnost Načelniku da u 2019.godinu uprihoduje sva namjenski dostavljena sredstva od šuma uz namjenski utrošak u infrastrukturu.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Predsjedavajuća, prelazimo na narednu tačku dnevnog reda i zamolila bih dopredsjedavajućeg da preuzme vođenje sjednice.

AD – 3 a) Prijedlog Odluke o dopuni Odluke o zadržavanju prava osnivača JU Dom kulture „Edhem Mulabdić“ Maglaj;

b) Prijedlog Odluke o davanju saglasnosti Upravnom odboru JU Dom kulture „Edhem Mulabdić“ Maglaj na dopune Pravila Doma kulture;

c) Prijedlog Odluke o davanju saglasnosti Upravnom odboru JU Dom kulture „Edhem Mulabdić“ Maglaj za osnivanje Podružnice;

d) Prijedlog Odluke o ovlaštenju direktorici JU Dom kulture „Edhem Mulabdić“ Maglaj;

Dopredsjedavajući, treća tačka dnevnog reda je logički podijeljena na a,b,c i d. To je

a) Prijedlog Odluke o dopuni Odluke o zadržavanju prava osnivača JU Dom kulture „Edhem Mulabdić“ Maglaj;

b) Prijedlog Odluke o davanju saglasnosti Upravnom odboru JU Dom kulture „Edhem Mulabdić“ Maglaj na dopune Pravila Doma kulture;

c) Prijedlog Odluke o davanju saglasnosti Upravnom odboru JU Dom kulture „Edhem Mulabdić“ Maglaj za osnivanje Podružnice;

d) Prijedlog Odluke o ovlaštenju direktorici JU Dom kulture „Edhem Mulabdić“ Maglaj;

U uvodnim napomenama da samo kažem da ste materijale za ovu sjednicu blagovremeno dobili u sazivu, za sve četiri pod tačke, i da je prisutna i predsjednica UO JU Dom kulture gospođa Bradarić Alma i zahvaljujem joj se što je našla vrijeme da učestuje na današnjoj sjednici OV.

Da li ćemo diskutovati o sve četiri od podtačka, a da naravno glasamo pojedinačno. U paketu, mislim da je logično da se u paketu raspravlja.

Obrazloženje koje je došlo vijećnicima je decidno, jasno, ako ima potrebe za dodatnim obrazloženjem.

Otvaram raspravu

Vijećnica Šefka Hasanić, stav Kluba vijećnika SDA je da smo mi razmatrali ove pristigle materijale i u okviru ove tačke dnevnog reda mi imamo šest različitih odluka kada je u pitanju formiranje podružnice Sportska dvorana u okviru Doma kulture „Edhem Mulabdić, što bi bila polovina dnevnog reda da nisu poredane kao podtačke 3. tačke dnevnog reda.

Jasno se vidi šta je cilj ovih odluka i formiranje Podružnice Sportska dvorana. Ovo nije ništa drugo nego još jedno ustoličenje, vraćanje dugova za formiranje većine u OV Maglaj. Smatramo da se previše bavimo nebitnim stvarima koje ne doprinose ništa boljem funkcionisanju Doma kulture, a ni građani nemaju neke posebne koristi od ovoga. Iz tog razloga Klub vijećnika SDA neće podržati niti jednu ovu Odluku.

Vijećnik Hajrudin Fermić, iz obrazloženja koje smo dobili vidljivo je da pod jedan, da je Zakonom propisana procedura ispoštovana i druga stvar, da ljudi u JU DK, žele da dovedu svoje poslovanje na zakonit način i u kanale zakonitosti. Meni je sasvim dovoljno jasno i u redu.

Želim da predložim kao zaključak, a to je da sam učestvujući u raspravama od prethodne sjednice OV do danas i na Kolegijima utvrdio, ustanovio gdje smo svi zajednički utvrdili od menadžmenta, članova UO i svih ljudi koji rade u službama i pravobranioca, da je potrebno da se svi normativni akti ove ustanove JU Dom kulture usaglase sa aktuelnim i važećim zakonskim propisima, pa predlažem da oni krenu u taj posao, prije svega Zakonom o radu, Zakon o računovodstvu i reviziji još mnogo zakona kako bi se to dovelo u paketu u jedan red. Pa i predlažem rok da to bude 3-4 mjeseca od današnje sjednice. Naravno, ako bude potrebno i više nikakav problem, samo je bitno da to sve bude kako treba u pogledu vaših internih akata. Ja podržavam ove prijedloge.

Dopredsjedavajući, zaključujem raspravu i dajem na glasanje treću tačku dnevnog reda pod a), b), c), d) i glasat ćemo odvojeno po svakoj podtački.

Z A K L J U Č A K

3.1. a) Usvaja se Odluka o dopuni Odluke o zadržavanju prava osnivača JU Dom kulture „Edhem Mulabdić“ Maglaj.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 10 glasova protiv: Adis Abdurahmanović, Edib Delić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik. U vrijeme glasanja u sali nije prisutan vijećnik Nedžad Alispahić.

Z A K L J U Č A K

3.2. b) Usvaja se Odluka o davanju saglasnosti Upravnom odboru JU Dom kulture „Edhem Mulabdić“ Maglaj na dopune Pravila Doma kulture;

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 10 glasova protiv: Adis Abdurahmanović, Edib Delić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik. U vrijeme glasanja u sali nije prisutan vijećnik Nedžad Alispahić.

Z A K L J U Č A K

3.3. c) Usvaja se Prijedlog Odluke o davanju saglasnosti Upravnom odboru JU Dom kulture „Edhem Mulabdić“ Maglaj za osnivanje Podružnice.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Z A K L J U Č A K

3.4. d) Usvaja se Odluka o ovlaštenju direktorici JU Dom kulture „Edhem Mulabdić“ Maglaj.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

Z A K L J U Č A K

3.5. Da se svi normativni akti ustanove JU Dom kulture „Edhem Mulabdić“ Maglaj, usaglase sa aktuelnim i važećim zakonskim propisima, prije svega Zakon o radu, Zakon o računovodstvu i reviziji, još mnogo zakona kako bi se to dovelo u paketu u jedan red.

Općinsko vijeće predlaže rok 3-4 mjeseca od današnje sjednice.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 4.Odluka o usvajanju djelimične izmjene Regulacionog plana „Centar Maglaj-sjeverni dio“ ;

Nedžad Ćatić, prijedlog izmjene Regulacionog plana „Centar Maglaj-sjeverni dio“ odnosi se na dio pored pijace, tržnog centra, ulice Aleje narodnih heroja, ulice Ilijasa Smajlagića i ulice Viteške. Ovom izmjenom se rješava drugačije saobraćajno rješenje, rješavaju se parking prostori, rješava se silazna rampa u podrumke prostorije objekta „robne kuće“. Općinsko vijeće je na svojoj sjednici 14.03.2019.godine donijelo Odluku o pristupanju izmjene Regulacionog plana, nakon čega je općinska administracija provela proceduru odabira izvođača radova koji je imao obavezu da uradi prednacrt, nacrt i prijedlog izmjene Regulacionog plana. Urađen je prednacrt na koji su općinski organi dali određene sugestije. Nakon toga je izvođač radova uradio nacrt izmjene Regulacionog plana koji je bio na Općinskom vijeću i koji je usvojen 15.08.2019.godine i dat je na javnu raspravu.

Općinska služba je odredila javnu raspravu, odredila je rok izvršavanja uvida u taj dokument i javnu raspravu koja je održana 17.10.2019.godine na kojoj su i pismeno pozvani predstavnici kućnih savjeta, koji gravitiraju tom dijelu grada. Na javnoj raspravi su doneseni određeni zaključci u kom pravcu će, iznesene su primjedbe itd.. Doneseni su zajednički zaključci šta bi trebalo popraviti u tom nacrtu, tako da je zapisnik sa javne rasprave dostavljen izvođaču radova koji je uvažio te primjedbe sa javne rasprave i kad je dostavio ponovo prijedlog općinskoj Službi, koja je ponovo pozvala predstavnike kućnih savjeta da izvrše uvid i u prijedlog plana i uvid je izvršen i usaglasili su se da je to otprilike ono što se tražilo. Sad imamo takav dokument kao prijedlog izmjene Regulacionog plana na usvajanju.

Otvaram raspravu

Vijećnik Firuz Galijašević, kako gospodin Ćatić kaže da kućni savjet „robne kuće“, neće praviti probleme, Klub SDP-a će prihvatiti Odluku o usvajanju djelimične izmjene Regulacionog plana Centar Maglaj-sjeverni dio.

Vijećnik Dženita Smajlović, Klub vijećnika SDA je na sjednici OV održanoj 14.03.2019.godine, kada je bio pokrenut postupak izmjene Regulacionog plana bio protiv izmjene istog, jer smo već tada znali da će biti negodovanja građana i stanara. Klub vijećnika SDA nije podržao ni također ni Nacrt izmjene Regulacionog plana Centar Maglaj-sjeverni dio, koji je usvojen, a sjednici OV održanoj 15.08.2019.godine i dalje su vidljiva negodovanja stanara i građana cijelog Maglaja, pojedinaca i kućnih savjeta. Također smatramo da bi za ovakvu vrstu izmjene trebalo provesti geomehanička istraživanja tla, uraditi sve potrebne elaborate koji će ispitati u kakvom stanju je predmetni objekat, čiji se suteran namjerava dodatno podkopavati i iskoristiti za izgradnju podzemnih garaža. Obzirom na to da je isti veoma star, da je pretrpio rat, poplave itd. i smatramo da smo uz ovaj materijal trebali imati i informaciju takvog tipa. Iz navedenih razloga Klub SDA neće podržati ovu izmjenu Regulacionog plana.

Vijećnik Hajrudin Fermić, može se reći da je jedna vrsta replike, rekao sam da neću diskutovati, ali zaista moram. Bio sam jedan od onih ljudi koji su se zaista protivili uopšte jednoj ideji gradnje tog podzemnog parking prostora itd.. Ono što smo mi čuli i na moje insistiranje ipak se ušlo na utvrđivanje nacrtu Regulacionog plana. Zatim, javna rasprava je provedena, čak i prije te javne rasprave i poslije te javne rasprave obavljane su konsultacije predstavnika Službe i sa stanarima u oba dijela one zgrade, a isto tako i sa predstavnicima poslovnih prostora. Bio sam prisutan na javnoj raspravi, koja je bila prilično korektna i naravno da su iznesene određene sumnje, dileme, strahovi itd. ali i nakon javne rasprave obavljane su dodatne konsultacije, što sve piše u obrazloženju izmjena Reg. plana i ne samo to što piše u ovom obrazloženju i mišljenju da nema tih više nesporazuma sa predstavnicima stanara i vlasnicima poslovnih prostora, nego sam i lično i mimo ovog papira zaista provjeravao i oni su ubjeđenja i uvjeravanja da je napravljen kompromis i da je u konačnom ovom prijedlogu ugrađen kompromis, tako da ja više nemam osnova da budem protiv toga i da se protiv, ako sami građani koji su najdirektnije zainteresovani za ovo rješenje nemaju ništa protiv. Ja sam i u raspravi o nacrtu ovog dokumenta predložio i tražio kad se već radi taj nekakav okvir izmjena da se razmisli i da nam se stavi kao rješenje i gradnja novog objekta mliječne pijace i čini mi se da je to bilo, sad ovdje nisam vidio dobro, to me malo interesuje, a ako ima mislim da bi dobro bilo da prilikom usvajanja zaista razmislimo o još jednoj alternativni mliječne pijace, a ona kroz idejno rješenje već postoji u Službi, a to je ovaj dio da se dogradi, oni objekti koji jesu vlasništvo KJD, koji je praktično ograđen samo bi ušlo u nekoliko razumnih kvadrata. Prije svega zbog ekonomičnosti tog postupka, pa da se razmisli i o tome.

Dopredsjedavajući, zaključujem raspravu i dajem na glasanje

Z A K L J U Č A K

4.1. Usvaja se Odluka o usvajanju djelimične izmjene Regulacionog plana „Centar Maglaj-sjeverni dio“.

4.2. Općinsko vijeće traži da se vodi računa o već postojećem objektu mliječne pijace.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bezić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD - 5.Prijedlog Odluke o načinu i uslovima javne prodaje nekretnina u vlasništvu Općine Maglaj - neizgrađenog gradskog građevinskog zemljišta;

Nedžad Čatić, ovdje se radi o Prijedlog Odluke o načinu i uslovima javne prodaje nekretnina u vlasništvu Općine Maglaj. U ovoj Odluci su predložene dvije nekretnine Općine Maglaj za prodaju. Radi se o nekretnini u ulici Abdulaha Mahmutagića u okviru Reg. plana Maglaj centar- južni dio i druga je nekretnina u Misurićima, tamo iza HM-a iza leđa. Znači, gdje je nekad bio bunar.

U Odluci je ostavljeno prazno, nismo mi u tom momentu imali početnu cijenu nekretnine i predložena je cijena u ulici Abdulaha Mahmutagića 100,00 KM/m² a u Misurićima je početna cijena 30,00 KM/m². Takva je procedura prodaje da oni koji učestvuju u postupku moraju platiti 10% kapare s tim da ona ne može biti manja od 1.000,00 KM. Znači ukoliko je vrijednost manja od 10.000,00 KM, oni moraju uplatiti ipak 1.000,00 KM najmanje kao kaparu koja ima dole propisano kako se ona poslije uračuna onom ko dobije ili se vraća onom ko učestvuje na licitaciji, a ne prođe na samoj licitaciji.

I slijedeća tačka je povezana, jer sam taj konkurs provodi komisija koju imenuje Općinsko vijeće. Mi nismo stavili imena i prezimena. Da li imate vi prijedloge ili ćete dati Načelniku da on imenuje tu komisiju, to ne znam. Komisija ima predsjednika i dva člana i njihove zamjenike, znači šest članova se treba imenovati i ona postupa u skladu sa Pravilnikom o načinu prodaje u stvari licitacije kojim je propisano na koji način se to sve vrši.

Otvaram raspravu

Vijećnica Anida Šahman, Klub vijećnika SDP-a će podržati prijedlog Odluke o načinu i uslovima javne prodaje nekretnina u vlasništvu Općine Maglaj - neizgrađenog gradskog građevinskog zemljišta.

Što se tiče prijedloga Rješenja o imenovanju Komisije za sprovođenje javnog nadmetanja – licitacije, Klub vijećnika SDP-a predlaže da se ovlasti Načelnik općine za imenovanje članova Komisije.

Vijećnik Hajrudin Fermić, gospodin Musaefendić je ovdje prisutan, zbog gospodina Musaefendića pola godine se spominje između ostalog i njegovo prezime, a isto tako i ova priča o prodaji građevinskog zemljišta licitacijom. Zbog javnosti, samo da podcrtamo, postoje određeni potencijali investitori koji žele a ne mogu nekako, nisu mogli, nisu bili u pozicijama da kupe državno građevinsko zemljište, da su zainteresovani da kupe kako bi investirali u svoje stambeno-poslovne objekte, kako bi razvijali svoj biznis itd. Dakle, ovo je jedna od novih stvari, ja ne pamtim kad je bila na sjednici OV, da li u prošlom sazivu čini mi se da je bila 2014. ili 2015. godine jedna ovakva situacija i ono što mi ovdje kao OV treba da damo signal, mi znak da jesmo, da imamo sluha za te ljude koji su zainteresovani da grade, da proširuju svoje poduzetničke kapacitete, pa samim tim i zapošljavanje, evo prilike da to u redovnoj zakonitoj proceduri i omogućimo. Dakle, do sad smo u prethodnih 5-6 godina uglavnom imali da investitori grade na svojoj zemlji, a onda im zafali još koji metar ili koja stotina metara, pa mi neposrednom pogodbom im formiramo građevinsku parcelu. Ovo je nešto sasvim drugo, ovdje se ne prejdificira, niti ko će dobiti, naravno onaj ko bude najpovoljniji na licitaciji imat će pravo da kupi, ali mi ovim dajemo jednu pozitivnu poruku svim onim koji žele da rade i grade, da praktično ništa niti nije nezakonito, da sve procedure mogu da se ispoštuju i ubrzaju, zbog toga pominje gospodina Musaefendića koji je podnio mislim u martu-aprilu svoj zahtjev, odnosno pismo namjere da si zainteresovan i prema tome tako se i trebamo ponašati i tako trebamo i da diskutujemo, pa po meni i da glasamo za ova dva prijedloga i Odluke i ovog Rješenja o komisiji.

Vijećnik Safet Jašić, nije nas gospodin Fermić ništa ubijedio. Što se tiče Kluba SDA ima jedna mala dilema. Što se tiče ovog prvog rješenja to je u centru grada blizu „koke“ tu je i bila zadnja prometovana cijena 100,00 KM i to je za nas prihvatljivo, a što se tiče drugog rješenja. Koliko se mi sjećamo da je čak i „Bingo“ kad je kupovao da je bilo 40,00 KM/m². Prema tome, samo ta dilema malo da razmislimo. Ako ima neko podatak tačan, ali mi se sjećamo da je bilo 40,00 KM/m², „Bingo“ kad je kupio, tako da mi predložimo da ova cijena bude bar 40,00 KM/m².

A što se tiče komisija, vi znate naš odnos kad su komisije u pitanju.

Načelnik općine, Komisija je se vodila time da je zemljište uz objekat HM promet, strana prema sjeveru. Muhamedu ako se ne varam 25,00 KM/m² je bila cijena. To je zemljište uz vašu parcelu i komisija je to procijenila na 30,00 KM/m², a „Bingo“ je sa druge strane gdje je urađena infrastruktura i sve i zbog toga su različite cijene. I „Bingo“ je kupovao privatno zemljište.

Nedžad Čatić, ovo su početne cijene, nisu to cijene konačne kao ono kad smo najčešće imali slučaj kad se vrši oblikovanje građevinske parcele, pa OV donese cijenu po kojoj prodaje. Ovo je početna cijena, postupak javne licitacije gdje se odredi dan, gdje se praktično to licitira. Dolaze ljudi koji su zainteresovani i ko da više. Jedini kriteriji ovdje za kupovinu je onaj ko da veću cijenu.

Dopredsjedavajući, zaključujem raspravu i dajem na glasanje

Z A K L J U Č A K

5.1. Usvaja se Odluka o načinu i uslovima javne prodaje nekretnina u vlasništvu Općine Maglaj - neizgrađenog gradskog građevinskog zemljišta.

Glasalo 24. glasa za: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD - 6.Rješenje o imenovanju Komisije za sprovođenje javnog nadmetanja - licitacije za prodaju nekretnina u vlasništvu Općine Maglaj;

Dopredsjedavajući, prijedlog Kluba SDP-a je bio da se Načelnik ovlasti da formira komisiju, zaključujem raspravu i dajem na glasanje

Z A K L J U Č A K

6.1. Donosi se Rješenje o imenovanju Komisije za sprovođenje javnog nadmetanja - licitacije za prodaju nekretnina u vlasništvu Općine Maglaj.

Općinsko vijeće ovlašćuje Načelnika općine da imenuje Komisiju za sprovođenje javnog nadmetanja – licitacije za prodaju nekretnina u vlasništvu Općine Maglaj.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD – 7 Prijedlog Odluke o davanju saglasnosti „Elektroprivredi“ HZHB d.o.o. Mostar - Poslovnica Novi Šeher za postavljenje jednog nosnog betonskog stuba 12/315 na dijelu putnog zemljišta označenog sa k.č.br. broj: 1581/5 k.o. Liješnica;

Otvaram raspravu, nije bilo rasprave.

Dopredsjedavajući, zaključujem raspravu i dajem na glasanje

Z A K L J U Č A K

7.1. Usvaja se Odluka o davanju saglasnosti „Elektroprivredi“ HZHB d.o.o. Mostar - Poslovnica Novi Šeher za postavljenje jednog nosnog betonskog stuba 12/315 na dijelu putnog zemljišta označenog sa k.č.br. broj: 1581/5 k.o. Liješnica;

Glasalo za 24. glasa: Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici, Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić (samostalni vijećnik).

AD - 8.Odluka o utvrđivanju vrijednosti boda komunalne naknade za 2020. godinu;

Nedžad Čatić, Donošenje Odluka o utvrđivanju vrijednosti boda komunalne naknade za 2020.godinu je obaveza propisana Zakonom o komunalnoj naknadi i tamo piše u članu 30. da Općinsko vijeće donosi svake godine do 31.12. tu Odluku, koja se primjenjuje u narednoj godini, da ukoliko je ne donese u tom periodu, znači primjenjuje se dotadašnja Odluka. Mi smo pripremili novu Odluku, razlika u odnosu na dosadašnju Odluku je u članu 1. gdje je u dosadašnjoj odluci bilo da je vrijednost boda bila po zonama i kretala se od 0,00285 u I-zoni, do 0,00255 u VI- zoni. Prijedlog u ovoj Odluci je da bude jedinstven vrijednost boda za sve zone za čitavu općinu Maglaju, koja je 0,002 i manja je od dosadašnje vrijednosti boda u dosadašnjoj Odluci.

Otvorena je rasprava

Vijećnica Selma Avdić, Odluka o utvrđivanju boda komunalne naknade u općini Maglaj, imali smo je prošle godine 30.03.2018.godine, koju je potpisala predsjedavajuća Svjetlana Zamboni. Možemo je se podsjetiti bar. Znači vrijednost boda iznosila je za građevinske objekte zatvorenog tipa 004 KM/m², za korisne površine građevine, natkrivene prostore koji služe za obavljanje djelatnosti iznosila je 003 KM/m², otvoreni prostor na kome se obavlja djelatnost, skladišta, parking prostora, iznosila je 002 KM/m². Za nadzemne, podzemne dalekovode iznosila je 002 KM/m². 3 KM je iznosila za stubne trafo stanice po komadu, pola marke je iznosila za stabilne trafo-stanice. 10,00 KM za telekomunikacione releje i bazne stanice po komadu. 10,00 KM za RTV relej i slično po komadu. 1,40 KM/m² iznosila je za asfaltne baze, a visina komunalne naknade koju plaća obveznik ne može biti manja od 1,00 KM za stambeni-garažni prostor, 3,00 KM za vikend objekte koji se koriste za vlastite potrebe, 4,00 KM za proizvodne prostore, 3,00 KM za poslovne i slične prostore bez obzira na površinu prostora i vrstu djelatnosti za koju se koristi i pripadnosti pojedinoj zoni ukoliko se promjenom obračuna i Zakona o komunalnoj djelatnosti utvrdi iznos manji od navedenih. Ovo je Odluka koja je donesena ovdje prošle godine.

Iznosim sad stav Kluba SDA, da se ne može složiti i prihvatiti prijedlog Odluke o utvrđivanju vrijednosti boda komunalne naknade u Općini Maglaj za 2020. godinu, koja u članu 2. definiše visine komunalne naknade koja se plaća mjesečno za stambene i poslovne objekte, vikend objekte, proizvodne prostore, a sve to bez obzira na površinu prostora i djelatnost za koju se koristi i pripadnosti pojedinoj zoni iz prostog razloga što se na ovaj način direktno opterećuje investitor za svaku vrstu objekta, te umjesto da ih se stimulise Općina ih na određeni način udara novim porezom na mala vrata. Primjećujemo da je u odnosu na prošlu godinu vrijednost boda na osnovu kojeg se utvrđuje visina komunalne naknade smanjena. Međutim, ne vidimo razlog zašto bi bila izjednačena za sve

zone, obzirom da to dovodi do povlaštenog položaja gradske zone u odnosu na sve ostale, koje su mimo ovog na neki način diskriminirani, jer tokom realizacije svakog projekta mještani izvan gradske zone učestvuju u sufinansiranju po principu marka na marku. Ako je vrijednost boda komunalne naknade snižena za gradsku zonu, za ostale treba biti još niža.

Načelnik općine, da li ste vi u Klubu SDA pobrkali dvije odluke slučajno ili ste namjerno ovdje izašli da zavaravate javnost i građane. Dakle, pomiješali ste ovdje Odluku o komunalnoj naknadi i pomiješali ste Odluku o visini boda komunalne naknade i još ste tendenciozno iznijeli da je povećanje. Nikakvo povećanje, prvo da vas obavijestim, davno je trebalo da se završi još 2009., 2010. godine što nije uradila vlast koja je trebala da uskladi sve sa zakonom. Vi danas ne razmatrate Odluku o komunalnoj naknadi, nego vrijednost boda i nemojte da zavaravate javnost da je isto u I i VI zoni. Pročitajte Odluku pa ćete vidjeti da je teritorija općine podijeljena u šest zona. Da se obračun naknade vrši po broju bodova i po iznosu ovog boda. Broj bodova po zonama I-zona 84 boda, II-zona 60, III- 32, IV- 20, V-50 i VI – 5 bodova i to vam je po zakonu, kantonalnom i u svim općinama identično. Jedino općine našto mogu uticati jeste na zone kako izgledaju i na vrijednost boda. Mi imamo VI zona za koje se tačno zna, za svaki objekat se zna egzaktno kojoj zoni pripada. Pored ovog broja bodova koje sam iščitao od 84 do 5, imate po zakonu pogodnost za proizvodne objekte, gdje su bodovi niži i kreću se od 56 do 3 u VI – zoni. Mi danas donosimo samo Odluku o vrijednosti boda i ovo što je pročitano, nije tačno. Dakle, prošle godine je po zonama vrijednost boda bila 0,00285 I- zoni, u II- 0,00275, u III 0,0027, u IV 0,00265, u V- 0,00265 i u VI, 0,00255. Mi smo prošle godine bodove podijelili i po zonama. Nije zakonska obaveza da u zonama moraju biti različiti bodovi. Druge općine su zadržale isti bod i mi smo ove godine odlučili da još snizimo, dakle, ovo je u korist onih koji trebaju plaćati komunalnu naknadu. Snižen je bod za svaku zonu na 0,002. Pošto se po fejsbuku puca sve i svašta kako je Maglaj crni vilajet, kako je u Tešnju aman-zaman u Žepču itd. evo vam podaci u Tešnju vrijednost boda je 0,002 kao što i mi predlažemo. Dakle, svako lice koje plaća komunalnu naknadu po m² identična cijena će biti kao što je u Tešnju i najpovoljnija. U Zavidovićima je to 0,004, u Žepču 0,004. Ako hoćete još preciznije u I-zoni to vam je sami centar grada na poslovni objekat od 30 m² obaveza je bila 7,18 KM u Maglaju, u Tešnju 5,04 KM, u Zavidovićima 10,08 KM i u Žepču 10,08 KM. Da ne čitam za sve zone. U VI-zoni u Maglaju je bilo 0,38 dakle, ni 40 feninga, Tešanj 0,30, Zavidovići 0,60, Žepče 0,60. Po ovoj sad odluci će poslovni prostor od 30 m² mjesečno zaduženje za komunalnu naknadu biti 5,04 KM, kao što je i u Tešnju. Što znači za poslovni prostor 30 m² za 12 mjeseci po 5 KM izračunajte sebi koliko je to, a pomnožite 2,14 KM sa 12 mjeseci i vidjet ćete koliko će manje platiti za 2020.godinu. Dakle, namjerna ili nenamjerna zabuna iznošenje neistina ili laži da nešto poskupljuje, ne, pojeftinjuje se i ide u korist lica i pravnih i fizičkih koji plaćaju komunalnu naknadu i to je jedina istina.

Vijećnik Safet Jašić, mislim da ovo se može malo i u drugom tonu odgovoriti, greške su, postoje i moguće su greške u svakom pogledu i kod svakog diskutanta, a ono što ja hoću da kažem kakva god bude ova Odluka donesena, ako je dobra i građani i privrednici će to primjetiti. Ako bude loša zna se ko snosi odgovornost za to, odnosno kakvi su efekti od toga. Ne treba, ono što smo mi na Klubu govorili mi smo iznijeli, nismo ništa rekli novo, ali naravno da se borimo da bude lakše i građanima i privrednicima. Odluka koja je donesena ranije a pomenuta je ovdje, kakva god da je bila jel to bila 2015. kako reče gospodin Načelnik, ali mislim da nije primjenjivana, ostalo je ono po starom, makar se i primjenjivala. Mi nismo ni u potrebi, niti imamo potrebu da bilo koga zavaravamo, šta ćemo mi zavaravati građanstvo, građani su pametni, oni će kad dobiju račune vidjeti. Primjedbe su iznesene takve kakve su iznesene i ja vas molim da ne ragujete tako, nego da ih prihvatite. Ono što nije istina vrijeme će pokazati.

Načelnik općine, replika – vjerovatno boja tona zavisi od količine laži koja se iznese ovdje za ovom govornicom. Dakle, ja vas upozorio da iznosite neistinu i vi da biste mene ispravili izađete pa iznesete još jednu neistinu. Kakva je donesena odluka koja se nije primjenjivala. Pa nije tačno, Odluka donesena objavljena i pravosnažna i primjenjuje se i to je završena priča. Ovdje danas niko ne govori o odluci, govori se samo o vrijednosti boda, a vi i dalje želite da zavaravate i kažete da ovdje neko poskupljuje, diže itd. Nije tačno.

Vijećnik Hajrudin Fermić, zaista bih volio i molio da za ovom govornicom pokušamo iznositi činjenice, argumente na nekim čvrstim osnovama. Bojim se da iznošenje i nesvjesnih podataka koji dovode u zabludu građane mogu vrlo opasno da naškoda. I iz tih razloga su ove reakcije kakve jesu i s moje strane, moram da ponovim da odluke o komunalnoj naknadi i Odluke o vrijednosti boda, nije postojalo, a morala je po zakonu da postoji od 2009.godine sve do 2018.godine. Dakle, 2019.godine ona se praktično počela primjenjivati i ovo što vi govorite je druga godina u koju ulazimo sa plaćanjem komunalne naknade po zakonu. Prve godine bila ova vrijednost boda koja vam je pročitana iz tabele. Druge godine za 2020.godinu smanjuje se za određeni procenat, ja sam zapamtio napamet praveći kalkulacije, analize i poređenja, 0,002 sa 0,0029 koja je bila najveća. Mi smo također u martu mjesecu usvojili ovdje novu Odluku o građevinskom zemljištu. U tom materijalu je nama bilo sve apsolutno grafički, sve nacrtano koja zona cijele općine Maglaj ulazi, koji dio grada i općine ulazi u I, II i do VI zone i za ostalo neizgrađeno građevinsko zemljište po svim mjesnim zajednicama općine Maglaj. I to je toliko jasno i toliko decidno. Mislim na ovim stvarima da griješimo, ja ne mogu da vjerujem a vjerovatno jest nenamjerno, ali sa vrlo opasnim i teškim posljedicama kad izađu u javnost.

Vijećnik Firuz Galijašević, Bio sam zbunjen svim ovim prethodnim diskusijama, ali sreća da je Načelnik sve lijepo to objasnio i s toga će Klub SDP-a da prihvati Odluku o utvrđivanju vrijednosti boda komunalne naknade za 2020.godinu.

Dopredsjedavajući, zaključujem raspravu i dajem na glasanje

Z A K L J U Č A K

8.1. Usvaja se Odluka o utvrđivanju vrijednosti boda komunalne naknade za 2020. godinu.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD - 9.Program o redovnom održavanju javne higijene sa finansijskim pokazateljima;

Otvaram raspravu

Vijećnica Selma Avdić, Klub vijećnika SDA je suzdržan kada je u pitanju ova tačka dnevnog reda i moramo istaći da nije primjetno neko naročito poboljšanje kada je u pitanju održavanje javne higijene, zimsko održavanje gradskih javnih površina u odnosu na protekli period kada je iste poslove obavljao daleko manji broj radnika. I predlagali smo i u ranijem periodu i predložemo i sada u ovom, da u ovaj program uđe održavanje svih spomen obilježja šehidima, palim borcima i civilnim žrtvama rata.

Vijećnik Nedžad Lokmić, Klub vijećnika SDP-a prihvata ovaj Program održavanja javne higijene na općini Maglaj za narednu godinu, a pohvale, kritike i ono pozitivno primjećuju i građani, a i oni koji dolaze dobronamjerni posjetioci gradu Maglaju.

Dopredsjedavajući, zaključujem raspravu i dajem na glasanje

Z A K L J U Č A K

9.1. Donosi se Program o redovnom održavanju javne higijene sa finansijskim pokazateljima.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova uzdržanih: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD- 10.Program održavanja gradskog zelenila sa finansijskim pokazateljima;

Otvaram raspravu

Vijećnica Selma Avdić, Klub vijećnika SDA ne podržava Program održavanja gradskog zelenila sa finansijskim pokazateljima, jer po nama ovaj Program je trebao da i naslovom i sadržajem obuhvati održavanje javnih zelenih površina i u mjesnim zajednicama.

Vijećnik Nedžad Lokmić, Klub vijećnika SDP-a prihvata i ovaj Program održavanja javnog zelenila uz isti komentar kao i malo prije kad se tiče kvalitete i pozitivnih komentara na urađeno.

Dopredsjedavajući, zaključujem raspravu i dajem na glasanje

Z A K L J U Č A K

10.1. Donosi se Program održavanja gradskog zelenila sa finansijskim pokazateljima.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD - 11. Plan upravljanja i Program održavanja sistema javne rasvjete na području općine Maglaj za 2020. godinu;

Otvaram raspravu

Vijećnica Irena Herceg, Klub vijećnika će prihvatiti Plan upravljanja i Program održavanja sistema javne rasvjete na području općine Maglaj za 2020. godinu, uz sve pohvale za do sad urađeno.

Dopredsjedavajući, zaključujem raspravu i dajem na glasanje

Z A K L J U Č A K

11.1. Usvaja se Plan upravljanja i Program održavanja sistema javne rasvjete na području općine Maglaj za 2020. godinu.

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova protiv: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

AD - 12. Prijedlog srednjoročnog - Trogodišnjeg plana potencijalnih projekata JPP-a 2020-2022. godina i Godišnjeg plana potencijalnih projekata javnog-privatnog partnerstva za 2020. godinu;

Otvaram raspravu

Nije bilo rasprave predložen je

Z A K L J U Č A K

12.1. Usvaja se Prijedlog srednjoročnog - Trogodišnjeg plana potencijalnih projekata JPP-a 2020-2022. godina i Godišnjeg plana potencijalnih projekata javnog-privatnog partnerstva za 2020. godinu

Glasalo 13 glasova za : Svjetlana Zamboni, Nedžad Lokmić, Mirza Bradarić, Anida Šahman, Irena Herceg, Firuz Galijašević, Armin Hrnjić (SDP), Hajrudin Fermić (DF), Muhamed Hrnjić (SBB), Fikret Delić, Mustafa Bešić, Kanita Bašić, Elvir Vehabović samostalni vijećnici.

Glasalo 11 glasova uzdržanih: Adis Abdurahmanović, Edib Delić, Nedžad Alispahić, Selma Avdić, Mirsad Bejzić, Šefka Hasanić, Safet Jašić, Edina Jašić, Ermina Muminović, Dženita Smajlović (SDA), Mustafa Buljubašić samostalni vijećnik.

BRIFING NAČELNIKA OPĆINE

Za brifing sam ostavio da se zahvalim Općinskom vijeću na radu u 2019. godini. Rezultate rada i Vijeća i Načelnika cijene građani, njima to ostavljamo na slobodno sudijsko uvjerenje, a vama hvala za saradnju. Vjerovatno je bilo i grešaka, ali nisu bile namjerne, nekad se nešto ne smije raditi u tom dijelu, izvinjenje, strpljenje, završit ćemo i to. Prilika da čestitam svim vjernicima i katoličke i pravoslavne vjeroispovijesti predstojeće božićne blagdane i naravno svim građanima BiH, ma gdje u svijetu bili sretnu Novu 2020. godinu.

Mogu reći da završavamo jednu tešku godinu, puno je rada, kako god to ko gledao, vidio, htio vidjeti itd. puno je rada u ovoj godini iza nas, mogu reći da je puno rada i za mene u ovoj godini, poprilično sam se umorio, poprilično sam bio odsutan od kuće i porodice, ali sam sam to prihvatio, tako da nikom ne kukam, samo konstatujem .

U međuvremenu između ove dvije sjednice bitno je napomenuti da je održan Privredni savjet općine Maglaj, gdje smo razmatrali niz tačaka vrlo konkretno, rekao bih kreativno, gdje smo razmatrali i ove priče koje se šire po fejsbuku neosnovane, ne od Udruženja privrednika nego od pojedinaca koji plasiraju laži, a vrijeme će pokazati, dakle, ja ne ulazim u te sukobe po fejsbuku, vrijeme će pokazati i koliko ko troši reprezentacije i koliko ko troši goriva i gdje je ko najpovoljniji, gdje je ko nepovoljan, ali napravili smo jednu dobru analizu i prezentirali je na Privrednom savjetu kad su u pitanju i poticaji, kad su u pitanju i komunalne naknade, kad su u pitanju i komunalne takse, ja sam htio to danas ovdje sve prezentirati, ali ću preskočiti, bit će prilike da razgovaramo o tome. Naravno,

ići će i Izvještaj o izvršenju Budžeta, pa ćete imati decidne podatke, kao što ovdje imamo podatke za reprezentaciju, pa ćete i to vidjeti ko je koliko trošio po godinama, koliki su putni troškovi u zemlji i inozemstvu itd.. Nema razloga da se išta krije, sve je transparentno, javno, prema tome, bit će javno i objavljeno, a fejsbučenje, laži itd. to me puno ne interesuje.

Kad je u pitanju Privredni savjet, na Privrednom savjetu smo se dogovorili da na neki način krenemo i sa vidom dodatnih edukacija i naših privrednika, biznismena i onih koji razmišljaju da pokrenu određeni biznis. Shodno tome, jučer je u ovoj Sali gostovao uvaženi profesor Elvir Čizmić s Ekonomskog fakulteta u Zenici. Imali smo predavanje koje je trajalo puna tri sata, ja sam bio u potpunosti zadovoljan, a po reakcijama ostalih prisutnih bili su i oni zadovoljni. Moram istaći i ovo što se danas desilo, ja razumijem i poziciju i opoziciju, bio sam četiri mandata vijećnik u opoziciji i nisam nikad bio vijećnik u poziciji, ne znam kako bi se ponašao da sam bio vijećnik u poziciji, ali sam se ponašao u opoziciji onako kako treba da se ponaša vijećnik i uvijek sam govorio argumentovano. Ovo danas na neki način vrijeđa čovjekov intelekt i obraz da se iznose neistine kako sa ovom odlukom u prijašnjoj tački, kao mi nešto poskupljujemo. Dakle, ne poskupljujemo ovo što je rekao dopredsjedavajući ovdje za govornicom, to je puna istina i dalje idemo u korak i prema našim građanima i prema privrednicima, a to što pojedinci žele da iskoriste priliku pa da uđu prerano u predizbornu kampanju blačenjem itd. to su njihovi problemi. To nisu naši problemi, to su njihovi problemi. Da vam kažem još jednu stvar, priča koju zlonamjerno lansiraju po gradu o tome da Općina Maglaj naplaćuje i dalje KGZ, nije tačno. Naplaćuje se samo komunalna naknada i evo danas odlukom većine u Vijeću je još nešto smanjen bod, tako da je to još niže, a to što imate u Budžetu imate ranije godine, imate dugovanja od godina i godina KGZ gdje su pravosnažna rješenja i sve dok i jedna marka treba da uđe u Budžet pod tim pravosnažnim rješenjima to morate planirati u Budžetu. Zašto je iznos toliki, zato što je iznos potraživanja znatno veći od te cifre koja stoji tu u Budžetu ali to niko ne očekuje da će biti uplaćeno u jednoj godini i kad će biti uplaćeno to je pitanje i to sudovi rade. Ono što moram na kraju istaći je što sam i prije govorio da je dosta podzakonske regulative neuređeno bilo, pratite Vijeće da se stalno doraduju odluke, usklađuju sa zakonom pa i ovo danas, što ste imali za sportsku dvoranu nisam htio da se miješam u toj tački, kakva politička trgovina, kakvi bakraći, pa imali ste skoro sve i jednu instituciju koja je radila izvan zakona, pa i Sportska dvorana. Kako mislite naplaćivati tamo usluge bez fiskalnog računa. Pa hoćemol varat državu, hoćemol da državna ustanova vara državu? Pa nećemo, e zato ćemo i to uvesti u sve zakonite okvire i da idemo po ps, po zakonu. Hvala i još jednom želim vam sve najbolje.

VIJEĆNIČKA PITANJA I INICIJATIVE

Vijećnik Dženita Smajlović,

U čijem vlasništvu i kakav status ima objekat preko puta područne škole Čobe-Kopice – nekadašnja mljekara? Taj objekat je danas u devastiranom stanju i nije u upotrebi već duži niz godina. Obzirom na to da mi niti u Čobama, niti u Kopicama nemamo nikakav prostor tipa društvenog doma za potrebe mještana naših MZ (iako MZ Kopice već ima projekat za izgradnju društvenog doma).

Neka ovo ujedno bude i inicijativa za eventualnu legalizaciju ovog objekta i rješavanje imovinsko pravnih odnosa ukoliko za tim ima potrebe te za renoviranje i osposobljavanje istog kako bi se mogao koristiti za potrebe održavanja sastanaka Vijeća MZ-a, omladine ali i svih političkih partija sa navedenih područja.

Ovaj objekat nije veliki i smatram da bi zajedničkim naporima mogli osposobiti ovaj prostor te ga dati na korištenje MZ.

Ja sam prošlu sjednicu postavila vijećničko pitanje vezano za pse lualice. Tražila sam odgovor u pismenoj formi, međutim, nisam ga nikad dobila. Ja nisam zadovoljna Načelnikovim usmenim odgovorom, to ima u zapisniku. Ja tražim malo profesionalniji odgovor.

Vijećnik Mirza Bradarić,

Meni je drago što je kolegica Dženita postavila ovo vijećničko pitanje, jer upravo je to ono što sam ja prošle sjednice sa gospodinom Ferhatom razgovarao o Udruženju „Cow-How“ jer to je nekad bila mliječna stanica, otkupna stanica, laktofrizi su bili unutra. Ja se nadam da će ovo naići na pozitivno rješavanje ovog pitanja.

Pitanje:

U ime Kluba vijećnika SDP-e tražim od svih službi Općine Maglaj, svih upravnih i nadzornih odbora javnih ustanova i preduzeća sa područja općine Maglaj, da nam dostave informaciju od kojih firmi i u kojem iznosu su nabavljali tehničku opremu (računare, televizore, laptope, sigurnosne kamere itd.) i od koga su naručivali kancelarijski materijal. Informaciju tražimo u pisanoj formi za period od 01.01.2017.godine do 19.12.2019.godine.

Vijećnik Fikret Delić,

Inicijativa:

Tiče se zimskog održavanja ulica u MZ Kopice i MZ Čobe, tačnije u MZ Gornje Čobe.

Znamo svi da je prošle godine, u stvari ove godine dva tri dana snijeg padao tako da je napadao i 70 cm. Na zahtjev mojih mještana iz MZ Kopice, ja sam kontaktirao Načelnika općine Mirsada Mahmutagića gdje je odmah

rekao ako ima kakav traktor ili kakva mašina da odmah izađe i neka čisti. Ja mu se ovom prilikom zahvaljujem. Isto tako neki dan sam dobio zahtjev od mještana MZ Gornje Čobe kao i mještana Kopice, ukoliko bi slučajno bilo padanja kao ove godine, da Načelnik općine planira da angažuje mašinu za one ulice koje su najpotrebnije u našim mjesnim zajednicama. Nadamo se da neće doći do toga.

Vijećnik Hajrudin Ferić,

1. Pitanje:

Šta je komunalni općinski inspektor preduzeo i šta planira učiniti kako bi se na općini Maglaj implementirao Zakon o upravljanju, korištenju i održavanju stambenih i stambeno poslovnih zgrada kolektivnog stanovanja?

2. Može li se planirati interventna sanacija puta Lanišće-Jezerce-Suhi most – prema Dubi u MZ Kopice?

3. Inicijativa

Pokrećem inicijativu da Načelnik općine Maglaj, a ako treba i Općinsko vijeće Maglaj upute Pismo namjere USAID, SIDI i UNDP da se po principu projekta GOAL WASH Regulatorni okvir za određivanje cijena usluga „udu“ u takvu vrstu projekta vodosnabdijevanja i kanalizacije, odnosno svih komunalnih usluga.

Predsjedavajuća, zaključujem današnju sjednicu u 13,10 minuta.

Zapisničar,
Nisveta Bašić

Sastavni dio zapisnika čini tonski zapis, a CD cjelokupne sjednice dobit će sve političke stranke koje participiraju u Općinskom vijeću Maglaj.

